

四庫全書

集部

欽定四庫全書

唐詩品彙卷二十五

明 高棟 編

七言古詩一

正始

王宏

從軍行

兒生三日掌上珠
燕頤猿肱穠李膚
十五學劍北擊胡

羌歌燕筑送城隅
城隅路接伊川驛
河陽渡頭邯鄲陌
可憐少年把手時
黃鳥雙飛梨花白
秦王築城三千里
西自臨洮東遼水
山邊疊疊黑雲飛
海畔莓莓青草死
從來戰鬪不求勳
殺身為君君不聞
鳳凰樓上吹急管
落日衰徊腸先斷

王勃

秋夜長

秋夜長殊未央
月明白露澄清光
層城綺閣遙相望
遙

相望川無梁北風受節南鴈翔
崇蘭委質時菊芳鳴環
曳履出長廊為君秋夜擣
衣裳織羅對鳳凰丹綺雙鴛
鴦調砧亂杵思自傷征夫萬
里戍他鄉鶴關音信斷龍
門道路長君在天一方寒衣
徒自香

採蓮曲

一作採
蓮歸

採蓮歸綠水芙蓉衣秋風起浪
鳧鴈飛桂棹蘭橈下長
浦羅裙玉腕輕搖櫓葉嶼花
潭極望平江謳越吹相思
苦相思苦佳期不可駐塞外
征夫猶未還江南採蓮今

已暮今已暮採蓮花渠今那必盡娼家官道城南把桑
葉何如江上採蓮花蓮花復蓮花花葉何稠疊葉翠本
羞眉花紅強如頰佳人不在茲悵望別離時牽花憐共
蒂折藕愛連絲故情無處所新物從華滋不惜西津交
佩解還羞北海鴈書遲採蓮歌有節採蓮夜未歇正逢
浩蕩江上風又值徘徊江上月徘徊蓮浦夜相逢吳姬
越女何丰茸共問寒江千里外征客關山路幾重

臨高臺

臨高臺高臺迢遞絕浮埃瑤軒綺構何崔嵬鸞歌鳳
吹清且哀俯瞰長安道萋萋御溝草斜對甘泉路蒼蒼
茂陵樹高臺四望同佳氣鬱葱葱紫閣丹樓紛照耀璧
房錦殿相玲瓏東迷長樂觀西指未央宮赤城映朝日
綠樹搖春風旗亭百隊開新市甲第千甍分戚里朱輪
翠蓋不勝春疊榭層楹相對起復有青樓大道中繡戶
紋牕雕綺櫳錦衣畫不縠羅帷夕未空歌屏朝揜翠粧
鏡晚窺紅為君安寶髻娥眉罷花繁挾路塵間點將暮

雲間月色明如素，鴛鴦池上兩兩飛。鳳凰樓下雙雙度，
物色正如此佳期。那不顧銀鞍繡轂盛繁華，可憐今夜
宿娼家。少婦不須顰，東園桃李片時春。君看舊日高臺
處，栢梁銅雀生黃塵。
錦衣晝不襞羅帷，夕未空一作錦衣夜不襞羅帷，晝未空。

滕王閣

滕王高閣臨江渚，珮玉鳴鑿罷歌舞。畫棟朝飛南浦雲，
朱簾暮捲西山雨。閒雲潭影日悠悠，物換星移度幾秋。
閣中帝子今何在，檻外長江空自流。

盧照鄰

長安古意

長安大道連狹斜，青牛白馬七香車。
玉輦縱橫過主第，金鞍絡繹向侯家。
龍銜寶蓋承朝日，鳳吐流蘇帶晚霞。
百丈遊絲爭遶樹，一羣嬌鳥共啼花。
啼花戲蝶千門側，碧樹銀臺萬種色。
複道交牕作合歡，雙闕連甍垂鳳翼。
梁家畫閣天中起，漢帝金莖雲外直。
樓前相望不相知，陌上相逢詎相識。
借問吹簫向紫烟，曾經學舞度芳年。

得成比目何辭死願作鴛鴦不羨仙比目鴛鴦真可羨
雙去雙來君不見生憎帳額繡孤鸞好取開簾帖雙燕
雙燕雙飛繞畫梁羅幃翠被鬱金香片片行雲着蟬鬢
纖纖初月上鴉黃鴉黃粉白車中出含嬌含態情非一
妖童寶馬鐵連錢娼妓盤龍金屈膝御史府中烏夜啼
廷尉門前雀欲栖隱隱朱城臨玉道遥遥翠幃沒金堤
挾彈飛鷹杜陵北探丸借客渭橋西俱邀俠客芙蓉劍
共宿娼家桃李蹊娼家日暮紫羅裙清歌一轉口氤氳

北堂夜夜人如月南陌朝朝騎似雲南陌北堂連北里
五劇三條空三市弱柳青槐拂地垂佳氣紅塵暗天起
漢代金吾千騎來翡翠屠蘇鷄鵠杯羅襦寶帶為君解
燕歌趙舞為君開別有豪華稱將相轉日回天不相讓
意氣由來排灌夫專權判不容蕭相專權意氣本英雄
青虬紫燕坐生風自言歌舞長千載自謂驕奢凌五公
節物風光不相待桑田碧海須臾改昔時金階白玉堂
即今惟見青松在寂寂寥寥揚子居年年歲歲一牀書

獨有南山桂花發飛來飛去襲人裾

駱賓王

行路難

同辛常伯
軍中作

君不見玉關塵色暗邊庭
銅鞮雜虜寇長城
天子按劍徵餘勇
將軍受服事橫行
七德龍韜開玉帳
千里鼙鼓動

金鉦

一作千里鼙
鼓壘金鉦

陰山苦霧埋高壘
交河孤月照連營

連營去去無窮極
擁旆遙遙過絕國
陣雲朝結晦天山
寒沙夕漲迷踈勒
龍鱗水上開魚貫
馬首山前振雕翼

長驅萬里龍韞祁連分麾三令武功宣百發烏號遙碎柳
七尺龍文迥照蓮春來秋去移灰瑄蘭闥柳市芳塵斷
鴈門迢遞尺書稀鴛被相思雙帶緩行路難誓令氛
侵靜臯蘭但使封侯龍頷貴詎隨中婦鳳樓寒

劉庭芝

公子行

天津橋下陽春水天津橋上繁華子馬聲迴合青雲外
人影搖動綠波裏綠波清迴玉為砂青雲離披錦作霞

可憐楊柳傷心樹可憐桃李斷腸花此日遊遊邀美女
此時歌舞入娼家娼家美女鬱金香飛來飛去公子傍
的的朱簾白日映娥娥玉顏紅粉粧花際徘徊雙蛺蝶
池邊顧步兩鴛鴦傾國傾城漢武帝為雲為雨楚襄王
古來容光人所羨况復今日遙相見願作輕羅着細腰
願為明鏡分嬌面與君相向轉相親與君雙栖共一身
願作貞松千歲古誰論芳槿一朝新百年同謝西山日
千秋萬古北邙塵

代悲白頭翁

一作宋
之問詩

洛陽城東桃李花飛來飛去落誰家
洛陽女兒惜顏色
行逢落花長歎息今年花落顏色改
明年花開復誰在
已見松柏摧為薪更聞桑田變成海
古人無復洛城東
今人還對落花風年年歲歲花相似
歲歲年年人不同
寄言全盛紅顏子應憐半死白頭翁
此翁白頭真可憐
伊昔紅顏美少年公子王孫芳樹下
清歌妙舞落花前
光祿池臺開錦繡將軍樓閣畫神仙
一朝臥病無相識

三春行樂在誰邊
宛轉蛾眉能幾時
須臾鶴髮亂如絲
但看古來歌舞地
惟有黃昏鳥雀悲

喬知之

綠珠篇

石家金谷重新聲
明珠十斛買娉婷
此日可憐君自許
此時可喜得人情
君家閨閣未曾難
常將歌舞借人看
意氣雄豪非分理
驕矜勢力橫
相干辭君去去終未忍
徒勞掩袂傷鉛粉
百年離別在高樓
一代紅顏為君盡

知之有美妾曰碧玉武承嗣奪之喬作此篇以寄之碧
玉赴井死承嗣得詩於裾帶大怒諷酷吏羅告族誅之

古意和李侍郎

妾家巫山隔漢川君度南庭向胡宛高樓迢遞想金天
河漢昭回更悽然夜如何其夜未央閒花照月愁洞房
自矜夫婿勝王昌三十曾作侍中郎一從流落成漁陽
懷哉萬恨結中腸南山暮暮免絲花北陵青青女羅樹
由來花葉同一根今日枝條分兩處三星差池光照灼
北斗西指秋雲薄莖枯綠謝葉憔悴香消花盡色零落

美人長歎絕容萎含情收取摧折枝調絃獨彈聲未移
感君行坐星歲遲閨中宛轉今若斯誰能為報征人知

陳子昂

春臺引

寒食集畢
錄事宅作

感陽春兮生碧草

春一作

之油油懷宇宙以傷遠登高臺

而寫憂遲美人兮不見恐青歲之遂

集作
還

道從畢公以

酣飲寄林塘而一留採芳蓀於北渚憶桂樹於南洲何

雲木之美麗而池館之崇幽星臺秀士月旦諸子嘉

一作

喜
青鳥之辰迎火龍之始挾寶書與瑤瑟芳蕙華而蘭
靡乃掩白蘋藉綠芷酒既醉樂未已擊清鐘歌淥水怨
青春之萎絕贈瑤華之旖旎願一見而道集作導意結衆
芳之綢繆曷余情之蕩漾集作潑矚青雲以增愁悵三山
之飛鶴憶海上之白鷗且曰羣仙去兮青春頽歲華歇
兮黃鳥哀富貴榮樂幾時兮朱宮碧堂生春苔白雲兮
歸來

王適

古別離

昔歲驚楊柳高樓悲獨守今年芳樹枝孤棲怨別離珠
簾晝不捲羅幔曉長垂苦調琴先覺愁容鏡獨知頻年

鴈去

一作鴈來鴈度

無消息罷却鴛紋

一作罷去鴛紋

何用織夜還羅

帷空有情春着裙腰自無力青軒桃李落紛紛紫庭蘭

蕙日

一作香

氛氳已能憔悴今如此更復含情一待君

李嶠

擬古東飛百勞西飛鷺

傳書青鳥迎簫鳳，巫嶺荆臺數通夢。誰家窈窕住園樓，
五馬千金照陌頭。羅裙玉佩當軒出，點翠施紅競春日。佳
人二八盛舞歌，羞將百里呈雙蛾。庭前芳樹朝夕改，空
駐妍華欲誰待。

汾陰行

君不見昔日西京全盛時，汾陰后土親祭祠。齋宮宿寢
設厨供，撞鐘鳴鼓樹羽旗。漢家四葉才且雄，賓筵萬靈
服。九戎栢梁賦詩高，宴罷詔書法駕幸。河東河東太守

親掃除奉迎至尊導鑾輿五營將校列容衛三河縱觀
空閭里回旌駐蹕降靈場焚香奠醑邀百祥金鼎發色
正焜煌靈祇煒煜攄景光埋玉陳牲禮神畢舉麾上馬
乘輿出彼汾之曲嘉可遊杏蘭為楫桂為舟棹歌微吟
絳鷓浮簫鼓哀鳴白雲秋歡娛宴洽賜羣后家家復除
戶牛酒聲名動天樂無有千秋萬歲南山壽自從天子
向秦闕玉輦金輿不復還珠簾羽帳長寂寞島湖龍鬣
安可攀千齡人事一朝空四海為家此路窮雄豪意氣

今何在壇場宮館盡蒿蓬
路逢故老長歎息世事回還
不可測昔時青樓對歌舞
今日黃埃聚荆棘山川滿目
淚沾衣富貴榮華能幾時
不見只今汾水上唯有年年

秋鴈飛

明皇傳信記云上將幸蜀登華萼樓使樓前善水調者登而歌曰山川滿目淚沾衣富貴榮華

能幾時不見只今汾流上唯有年年鴻鴈飛上顧侍者曰誰為此曰宰相李嶠辭也上曰真才子也不待曲終而去

沈佺期

古歌

落葉流風向玉臺夜寒秋思洞房開水晶簾外金波下
雲母牕前銀漢回玉階陰陰苔蘚色君王履綦難再得
璇閨窈窕秋夜長繡戶徘徊秋月光燕姬綵帳芙蓉色
秦女金鑪蘭麝香北斗七星橫夜半清歌一曲斷君腸

古意

又作鳳
簫曲

八月涼風動高閣千金麗人捲綃幕已憐池上歇芳菲
不念君恩坐搖落世上榮華如轉蓬朝隨阡陌暮雲中
飛燕侍寢昭陽殿班姬飲恨長信宮長信宮昭陽殿春

來歌舞妾自知
秋至容華君不見
昔時羸女厭世氛
學吹鳳簫乘綵雲
含情轉盼向簫史
千載紅顏持贈君

入少密谿

雲峰苔壁遶谿斜
江路香風夾岸花
村密不言通鳥道
雞鳴始覺有人家
人家更在深巖口
澗水迴流宅前後
遊魚瞥瞥雙釣童
伐木丁丁一樵叟
自言避喧非避秦
薜衣耕鑿帝堯人
相留且待雞黍熟
夕臥深山蘿月春

徐玄之

採蓮

越艷荆姝慣採蓮
蘭橈畫楫滿長川
秋來江水澄如練
映水紅粧如可見
此時蓮浦珠翠光
此日荷風羅綺香
纖手周遊不暫息
紅英爛爛殊未極
夕鳥棲林人欲稀
長歌哀怨採蓮歸

宋之問

下山歌

王無競和云日云暮兮下高山山路連
綿兮村石間出谷口兮見明月心裊細

兮不
能還

下嵩山兮多所思
携佳人兮步遲遲
松間明月長如此
君再遊兮復何時

軍中人日登高贈房明府

幽郊昨夜陰風斷
頓覺朝來陽吹暖
涇水橋南柳欲黃
杜陵城北花應滿
長安昨晚寄寒衣
短翮登茲一望歸
聞道覲旋乘騎入
看君走馬見芳菲

寒食陸渾別業

洛陽城裏花如雪
陸渾山中今始發
旦別河橋楊柳風

夕臥伊川桃李月伊川桃李正芳新
寒食山中酒復春
野老不知堯舜力酣歌一曲太平人

寒食江州滿塘驛

去年上巳洛橋邊今年寒食廬山曲
遙憐鞏樹花應滿
復見吳洲草新綠吳洲春草蘭杜芳
感物思歸懷故鄉
驛騎明朝發何處猿聲今夜斷君腸

至端州驛見杜五審言沈三佺期閻五朝隱王
二無競題壁慨然成咏

逐臣北地承嚴譴調到南中每相見豈意南中岐路多
千山萬水分鄉縣雲搖雨散各翻飛海濶天長音信稀
處處山川同瘴癘自憐能得幾人歸

明河篇

唐書云武后朝之問求為北門學士不
許乃作此篇以見意后見之謂崔融曰

非不知之問有奇才但恨有
口過耳注口過謂口臭也

八月涼風天氣清萬里無雲河漢明昏見南樓清且淺
曉落西山縱復橫洛陽城闕天中起長河夜夜千門裏
複道連甍共蔽虧畫堂瓊戶特相宜雲母帷前初汎濫

水晶簾外轉逶迤倬彼昭回如練白復出東城接南陌
南陌征人去不歸誰家今夜擣寒衣鴛鴦機上踈螢度
烏鵲橋邊一鴈飛鴈飛螢度愁難歇坐見明河漸微沒
已能舒卷任浮雲不惜光輝讓流月明河可望不可親
願得乘槎一問津更將織女支機石還訪城都賣卜人

龍門應制

武后遊龍門命羣臣賦詩先成者賞以錦袍東方虬詩成詔賜坐未安宋

之問後成文理兼美左右無不稱善乃就奪錦袍衣之

宿雨霽氛埃流雲度城闕河堤柳新翠苑樹花先發洛

陽花柳此時濃山水樓臺映幾重羣公拂霧朝翔鳳天
子乘春幸鑿龍鑿龍近出王城外羽從淋漓擁軒蓋雲
蹕纔臨御水橋天衣已入香山會山壁嶄巖斷復連清
流澄澈俯伊川塔影遙遙綠波上星龕奕奕翠微邊層
巒舊長千尋木遠壑初飛萬丈泉綵仗紅旌遶香閣下
輦登高望河洛東城宮闕擬昭回南陌溝塍珠綺錯林
下天香七寶臺山中有酒萬年杯微風一起祥花落仙
樂初鳴瑞鳥來鳥來花落紛無已稱觴獻壽香霞裏歌

舞淹留景欲斜石間猶駐五雲車
鳥旗翼翼留芳草龍騎駸駸映晚花
千乘萬騎鸞輿出水靜山空嚴警蹕郊
外喧喧引看人傾都南望屬車塵
囂聲引颺峯黃道王氣周回入紫宸
先王定鼎山河固寶命乘周萬物新
吾君不事瑤池樂時雨來觀農扈春

郭振

古劍篇

唐史本傳云振少有大志為通泉尉任俠使氣嘗盜鑄及掠賣部中口武后召

欲詰既與語奇之索其文章振

上寶劍篇后覽嘉歎遂得擢用

君不見昆吾鐵冶飛炎烟紅光紫氣俱赫然良工鍛鍊
凡幾年鑄得寶劍名龍泉龍泉顏色如霜雪良工咨嗟
歎竒絕琉璃玉匣吐蓮花錯鏤金鏤生明月正逢天下
無風塵幸得周防君子身精光黯黯青蛇色文章片片
幾龜鱗非直結交遊俠子亦曾親近英雄人何言中路
遭棄捐零落飄淪古獄邊雖復沉埋無所用猶能夜夜

氣衝天

杜子美八哀云高詠
寶劍篇神交付冥漠

盧僎

十月梅花

君不見巴鄉春候中華別年年十月梅花發上苑今應
雪作花寧知此地花為雪自從遷播落黔巴三見江上
開新花故園風光虛洛汭窮峽凝雲度歲華花情縱似
河陽好客心倍傷邊候早春候颯驚樓上梅霜威未落江
潭草江上侵天去不還樓花覆簾空坐攀一向花前看
白髮幾迴夢裏憶紅顏紅顏白髮雲泥改何異桑田移
碧海却想華年故國時唯餘一片空心在空心弔影向

誰陳雲臺仙閣舊遊人
儻知巴樹連冬發應憐南國氣
長春

張說

鄴都引

君不見魏武草創爭天祿
羣雄睚眦相馳逐
書攜壯士破堅陣
夜接詞人賦
華屋都邑繚繞西山陽
桑榆漫漫漳河曲
城郭為墟人代改
但見西園明月在
鄴傍
高塚多貴臣
蛾眉曼睩共灰塵
試上銅臺歌舞處
唯有秋風

愁殺人

徐彥伯

芳樹

玉花珍簾上金縷

一作鏤

畫屏開曉月憐箏柱春風憶鏡

臺箏柱春風吹曉月芳樹落花朝暝歇藁砧刀頭未有
時攀條拭淚坐相思

吳少微

怨歌行

城南有怨婦含情傍芳叢自謂二八時歌舞入漢宮皇
恩數流眄承幸玉堂中綠栢黃花催夜酒錦衣羅袂逐
春風建章西宮煥若神燕趙美女二千人君王厭德不
忘新况羣艷冶粉來陳是時別君不再見三十三春長
信殿長信重門晝掩闌清房曉帳幽且閑綺牕蟲網氛
塵色文軒鶯樹桃李顏天王貴宮不貯老浩然含淚今
來還自憐春風轉晚暮試逐佳遊芳草路小腰麗女奪
人竒金鞍少年曾不顧

有逸句

歸來誰為夫請謝西家婦

莫辭先醉解羅襦

古意

洛陽芳草向春開
洛陽女兒平旦來
流車走馬紛相催
折芳闢草向曲臺
曲臺自有千萬行
重花累葉間垂楊
北林朝日錦明光
南國微風蘇合香
可憐窈窕女不作
邯鄲倡妙舞轉迴
拂長袖高歌浩唱
發清商歌終舞罷
歡無極樂往悲來
長歎息陽春白日
不少留紅花碧樹
無顏色碧樹風花
先春度珠簾粉澤
無人顧如何年少

忽遲暮坐見明月與白露
明月白露夜已寒香衣錦帶
空珊珊今日陽春一妙曲
鳳凰樓上與君彈

劉廷琦

瑞雪篇

紫宸飛雪曉徘徊層閣重門雪照開
九衢晶耀浮埃盡
千品差池贄帛來何處田中非種玉
誰家院裏不生梅
埋雲翳景無窮已因風落地吹還起
先過翡翠寶房中
轉入鴛鴦金殿裏美人含笑出
聯翩艷逸輕相關容止

羅衣點着渾是花玉手搏來半成水奕奕紛紛何所如
頓憶楊園二月初羞同班妾高秋扇欲照明王乙夜書
姑射山中符聖壽芙蓉闕下降仙車願隨睿澤流無限
長報豐年樂有餘

李如璧

明月

三五月華流烟光可憐懷歸郢路長逾江越漢津無梁
遙遙永夜思茫茫昭君失寵辭上宮蛾眉蟬娟臥氈穹

胡人琵琶彈北風漢家音信絕南鴻昭君此時怨畫工
可憐明月光腫隴節既秋今天向寒沅有漪兮湘有瀾
沅湘糾合淼漫漫洛陽才子憶長安可憐明月復團團
逐臣戀主心愈恪棄妾思君情不薄已悲芳歲徒淪落
復恐紅顏坐銷鑠可憐明月方照灼向影傾身比葵藿

李昂

從軍行

漢家未得燕支山征戍年年沙朔間塞下長驅汗血馬

雲中恒閉玉門關
陰山瀚海千萬里
此日桑河凍流水
稽洛山邊雲騎來
漁陽戍裏烽烟起
長途羽檄何相望
天子按劍思北方
羽林練士拭金甲
將軍校戰出玉堂
幽陵異域風烟改
亭障連連古今在
夜聳鴻鴈南渡河
曉望旌旗北臨海
寒沙飛浙瀝
遙裔連窮磧
玄漠雲平初合陣
西山月出聞鳴鏑
城南百戰多苦辛
路傍死臥黃沙人
戎衣不脫隨霜雪
汗馬趨趕長被鐵
楊葉樓中不寄書
蓮花劍上空流血
匈奴未滅不言家
驅逐行行

邊徼賒歸心海外見明月別思天邊夢落花天邊迴望
何悠悠芳樹無人渡隴頭春雲不變陽關雪桑葉先知
吳地秋田疇不賣盧龍策竇憲思勒燕然石麾兵靜北
垂此日交河酒欲令塞上無干戚會待單于繫頸時

胡浩

大漢行

單于犯薊門虜騎畧蕭邊南山木葉飛下地北海蓬根
亂上天科斗連營太原道魚麗合陣武威川三軍遙倚

伏萬里相馳逐旌旆悠悠靜瀚源
輦鼓喧喧動盧谷窮
微出幽陵吁嗟倦寢興馬蹄凍溜石胡毳暖生冰雲沙
決滌天光閉河寒陰沉海色凝崆峒此國誰能託蕭索
邊心常不樂近見行人畏白龍遙聞公主愁黃鶴陽春
半岐路間瑤臺苑玉門關百花芳樹紅將歇二月蘭皋
綠未還陣雲不散魚龍水雨雪猶飛鴻鵠山嶂嶂綿連
那可極路遠辛勤夢顏色北堂萱草不寄來東園桃李
長相憶漢將紛紜攻戰盈朔寇蕭條幽朔清韓昌拜節偏

知送鄭吉驅旌坐見迎火絕烟沉在西極谷靜山空自
北平但得將軍能百勝不須天子築長城

賀朝清

從軍行

朔胡乘月寇邊城軍書挿羽刺

一作賜

中京天子金壇拜

飛將單于玉塞振佳兵騎射先鳴推任俠龍韜決勝佇
時英聞有河湟客惜惜理帷帟常山啓伯圖汜水先天
策銜珠浴鐵向桑乾纛旗膏劍指烏丸鳴鷄已報關山曉

來鴈遙傳沙塞寒直為甘心從苦節隴頭流水鳴咽
邊樹蕭蕭不覺春天山漠漠長飛雪魚麗陣按塞雲平
鴈翼營通海月明始看晉幕飛鵝入旋聞齊壘啼鳥一作

鳥聲自從一戍燕支山春光幾度晉陽關金河未轉青
絲騎玉筋應啼紅粉顏鴻歸燕相續池邊芳草綠已見
氛清細柳營莫更春歌落梅曲烽沉竈減靜邊亭海晏
山空肅已寧行望鳳京旋凱捷重來麟閣畫丹青

萬齊融

仗劍行

昨夜星宮動紫薇今年天子用武威登車一呼風雷動遙
震陰山撼巍巍胡驕子當見旄頭蝕應死願騎單馬仗
天威按取長繩縛虜歸仗劍遙叱路傍子匈奴頭血濺
君衣

王翰

春女歌

郭茂倩樂府
作春女行

紫臺穹跨連綠波紅軒鈴匝垂織羅中有一人金作面

隔幌玲瓏遙可見忽聞黃鳥鳴且悲鏡邊含笑著春衣
羅袖嬋娟似無力行拾落花比容色落花一度無再春
人生作樂須及辰君不見楚王臺上紅顏子今日皆成
狐兔塵

飲馬長城窟行

一作古
長城吟

長安少年無遠圖一生惟羨執金吾麒麟殿前拜天子
走馬為君西擊胡胡沙獵獵吹人面漢虜相逢不相見
遙聞鐘鼓動地來傳道單于夜猶戰此時顧恩寧顧身

為君一行摧萬人壯士揮戈迴白日單于滅血汚朱輪
歸來飲馬長城窟長城道傍多白骨問之耆老何代人
云是秦王築城卒黃昏塞北無人烟鬼哭啾啾聲沸天
無罪見誅功不賞孤魂流落此城邊當昔秦王按劍起
諸侯膝行不敢視富國強兵二十年築怨聲冤九千里
秦王築城何太愚天實亡秦非北胡一朝禍起蕭牆內
渭水咸陽不復都

孫逖

山陰縣西樓

都邑西樓芳樹間
逶迤霽色遶江山
山月夜從公署出
江雲晚對訟庭還
誰知春色朝朝好
二月飛花滿江草
一見湖邊楊柳風
遙憶青青洛陽道

玄宗皇帝

初入秦川路寒食

洛陽芳樹映天津
灞坼垂楊翠地新
直為經過行樂處
不知虛度兩京春
去年餘閨今春早
曙色和風看花草

可憐寒食與清明光輝併在長安道自從關路入秦川
爭道何人不戲鞭公子途中妨蹋踣佳人馬上廢鞦韆
渭水長橋今欲度忽忽漸見新豐樹遠看驪岫入雲霄
預想湯池起烟霧霧氣氤氳水殿開暫拂香泉歸去來
今歲清明行已晚明年寒食更相陪

春臺望

暇景屬三春高臺聊四望目極千里際山川一何壯太
華見重巖終南分曼嶂郊原紛綺錯參差多異狀佳氣

滿通溝遲步入綺樓初鶯一一鳴紅樹歸鴈遲遲去綠
洲太液池中下黃鶴昆明水上映牽牛聞道漢家全盛
日別館離宮趣非一甘泉逶迤亘明光五柞連延接未
央周廬微道縱橫轉飛閣迴軒左右長須念作勞居者
逸勿言身後焉能恤為想雄豪壯栢梁何如儉陋卑茅
室陽烏黯黯向山沉夕鳥喧喧入上林薄暮賞餘回步
輦還念中人罷百金

賀知章

奉和御製春臺

青陽布王道玄覽陶真性欣若天下春
高逾域中聖神臯類觀賞帝里如懸鏡
繚繞八川浮岵嶷雙闕映曉色徧昭陽
晴雲卷建章華滋的皪丹青樹顯氣氤
氲金玉堂尚有靈蛇下邸時還徵瑞寶
入陳倉自昔秦奢漢窮武後庭萬餘宮
百數旗回五丈殿千門連綿南陞出西
垣廣晝螭蛾誇窈窕羅生玳瑁象崑崙
乃睠天晴興隱恤古來土木良非一荆
臨章華趙叢臺何如堯階將禹


室層欄窈窕下龍輿清管逶迤半綺疏一聽南風引鸞
舞長謠北極仰鷄居

許景先

奉和御製春臺望

睿德在青陽高居視中縣秦城連鳳闕漢寢疏龍殿文
物照光輝郊畿鬱葱蒨千門望成錦八水明如練複道
曉光披宸遊出禁移瑞氣朝浮五雲閣祥光夜吐萬年
枝蘭葉負龜初薦祉桐花集鳳更來儀秦漢生人凋力

役阿房甘泉構雲碧汾祠雍峙望通天玉堂宣室坐長
年鼓鐘西接咸陽觀苑圍南通鄠杜田明主卑宮戒前
失輔德欽賢政惟一昆蟲不夭在春蒐稼穡常艱重農
術邦家已荷聖謨新猶聞儉陋惜中人豫奉北辰垂七
曜長歌東武林千春



唐詩品彙卷二十五

欽定四庫全書

集部

唐詩品彙卷二十九

詳校官檢討臣德生

助教臣常循覆勘

總校官進士臣朱銓

校對官編修臣勵守謙

謄錄監生臣薛夢陽

欽定四庫全書

唐詩品彙卷二十六

明 高棟 編

七言古詩二

正宗一

李白上

烏菱啼

黃雲城邊烏欲棲
歸飛啞啞枝上啼
機中織錦秦川女

碧紗如煙隔牕語停梭悵然憶遠人獨宿空房淚如雨

劉須溪云語有深於此者然情之所至皆不如
此則亦不必深也凡言樂府者未足以知此

烏棲曲

姑蘇臺上烏棲時吳王宮裏醉西施吳歌楚舞歡未畢
青山欲銜半邊日銀箭金壺漏水多起看秋月墜江波

東方漸高奈樂何

賀知章云此詩可以泣鬼神蕭士武
云此樂府深得國風刺詩之體范德

機云漢魏詩多不可然所以為好者蓋其氣象自不同
耳李詩好處亦難點點之則全篇有所不可擇焉若此
篇與烏夜啼可
為精金粹玉矣

楊叛兒

君歌楊叛兒妾勸新豐酒何許最闌情烏啼白門柳烏啼
啼隱楊花君醉留妾家博山爐中沈香火雙煙一氣凌
紫霞

白紵辭

月寒江清夜沈沈美人一笑千黃金垂羅舞綬揚哀音
郢中白雪且莫吟子夜吳歌動君心動君心冀君賞願
作天池雙鴛鴦一朝飛去青雲上

採蓮曲

若耶谿傍採蓮女笑隔荷花共人語日照新粧水底明
風飄香袂空中舉岸上誰家遊冶郎三三五五映垂楊
紫騮嘶入落花去見此踟躕空斷腸

劉云淺
詩盡情

王昭君

漢家秦地月流影照明妃一上玉關道天涯去不歸漢
月還從東海出明妃西嫁無來日燕支長寒雪作花蛾
眉憔悴沒胡沙生乏黃金在圖畫死留青塚使人嗟

長相思二首

長相思在長安
絡緯秋啼金井闌
微霜淒淒簾色寒
孤燈不眠思欲絕
卷帷望月空長歎
美人如花隔雲端
上有青冥之長天
下有綠水之波瀾
天長路遠魂飛苦
夢魂不到關山難
長相思推心肝

日色欲盡花含煙
月明欲素愁不眠
趙瑟初停鳳凰柱
蜀琴欲奏鴛鴦絃
此曲有意無人傳
願隨春風寄燕然
憶君迢迢隔青天
昔時橫波目今作流淚泉
不信妾腸

斷歸來看取明鏡前

蕭云詞意悲而不傷恣而不諉

飛龍引

黃帝鑄鼎於荆山鍊丹砂丹砂成黃金騎龍飛上天清
家雲愁海思令人嗟宮中綵女顏如花飄然揮手凌紫
霞從風縱體登鑿車登鑿車侍軒轅遨遊青天中其樂
不可言

行路難

金樽清酒斗十千玉盤珍羞直萬錢停盃投筯不能食

拔劍四顧心茫然欲渡黃河水塞川將登太行雪滿山
閒來垂釣碧谿上忽復乘舟夢日邊行路難行路難多
岐路今安在長風破浪會有時直挂雲帆濟滄海

劉云
結得

不至鼠尾
甚善甚善

登高丘而望遠海

登高丘望遠海六鰲骨已霜三山流安在扶桑半摧折
白日沈光彩銀臺金闕如夢中秦王漢武空相待精衛
費木石鼃鼃無所憑君不見驪山茂陵盡灰滅牧羊之

金
卷二十六
子來攀登盜賊劫寶玉精靈竟何能窮兵躋武今如此
鼎湖飛龍安可乘

行行且遊獵篇

邊城兒生年不讀一字書但將遊獵跨輕趨胡馬秋肥
宜白草騎來躡影何輕騎金鞭拂雪揮鳴鞘半醉呼鷹
出遠郊弓彎滿月不虛發雙鶴迸落連飛鶻海邊觀者
皆辟易猛氣英風振沙磧儒生不及遊俠人白首下帷
復何益

山人勸酒

蒼蒼雲松落落綺皓春風爾來為阿誰蝴蝶忽然滿芳
草秀眉霜雪顏桃花骨清髓綠長美好稱是秦時避世
人勸酒相歡不知老各守麋鹿志耻隨龍虎爭歛起佐
天子漢皇乃復驚顧謂戚夫人彼翁羽翼成歸來高山
下泛若雲無情舉觴酬巢由洗耳何獨清浩歌望嵩嶽
意氣還相傾

公無渡河

黃河西來決崑崙咆哮萬里觸龍門波滔天堯咨嗟大
禹理百川兒啼不窺家殺湍湮洪水九州始蠶麻其害
乃去茫然風沙披髮之叟狂而癡清晨臨流欲奚為旁
人不惜妻止之公無渡河苦渡之虎可搏河難憑公果
溺死流海湄有長鯨白齒若雪山公乎公乎挂骨於其
間瑩篋所悲竟不還

獨漉篇

獨漉水中泥水濁不見月不見月尚可水深行人沒越

烏從南來胡鷹亦北渡我欲彎弓向天射惜其中道失
歸路落葉別樹飄零隨風客無所托悲與此同羅幃舒
卷似有人開明月直入無心可猜樂城遺言云不可及雄劍挂壁
時時龍鳴不斷犀象繡滋苔生國耻未雪何由成名神
鷹夢澤不顧鴟鳶為君一擊鵬搏九天

春日行

深宮高樓入紫清金作蛟龍盤繡楹佳人當牕弄白日
絃將手語彈鳴箏春風吹落君王耳此曲乃是昇天行

因出天池汎蓬瀛樓臺感沓波浪驚三千雙娥獻歌笑
搗鐘考鼓宮殿傾萬姓聚舞歌太平我無為人缺自寧
三十六帝欲相迎僊人飄翩下雲輶缺帝不去留鎬京
安能為軒轅獨往入宵冥小臣拜獻南山壽陛下萬古
垂鴻名人自寧帝不去皆三言原板
人下多不帝上多大非故缺

北風行

燭龍棲寒門光耀猶旦開日月照之何不及此惟有北
風號怒天上來燕山雪花大如席片片吹落軒轅臺幽

州思婦十二月停歌罷笑雙娥推倚門望行人念君長
城苦寒良可哀別時提劍救邊去遺此虎紋金鞞鞞中
有二雙白羽箭蜘蛛結網生塵埃箭空在人今戰死不
復迴不忍見此物焚之已成灰黃河捧土尚可塞北風
雨雪恨難裁

遠別離

遠別離古有皇英之二女乃在洞庭之南瀟湘之浦海
水直下萬里深誰人不念此離苦日慘慘兮雲冥冥猩

猩啼煙兮鬼嘯雨我縱言之將何補皇穹竊恐不照余
之忠誠雲憑憑兮欲吼怒堯舜當之亦禪禹君夫臣兮
龍為魚權歸臣兮鼠變虎或言堯幽囚舜野死九疑聯
鯨皆相似重瞳孤墳竟何是帝子泣兮綠雲間隨風波
兮去無還慟哭兮遠望見蒼梧之深山蒼梧山崩湘水

絕竹上之淚乃可滅

此太白傷時君子失位小人用事以致喪亂身在江湖之上欲往救

而不可哀忠諫之無從舒憤疾而作也曲幽人鬼語而動盪自然無長吉之苦

劉云參差最范云此篇最

有楚人風所責乎楚言者斷如後斷亂如後亂而辭意往復屈折行乎其間者實未嘗斷而亂也使人一唱三

歎而有遺音至於收淚謳吟又足以興夫三綱五
典之重者豈虛也哉茲太白所以為不可及也

白頭吟

錦水東北流波蕩雙鴛鴦
雄巢漢宮樹雌弄秦草芳
寧同萬死碎綺翼不忍雲間兩
分張此時阿嬌正嬌妬獨
坐長門愁日暮但願君恩顧
妾深豈惜黃金買詞賦相
如作賦得黃金丈夫好新多
異心一朝將聘茂陵女文
君因贈白頭吟東流不作西
歸水落花辭條羞故林兔
絲固無情隨風任傾倒誰使
女蘿枝而來強繫抱兩草

猶一心人心不如草莫卷龍鬚席從他生網絲且留琥珀枕或有夢來時覆水再收豈滿杯棄妾已去難重回古來得意不相負祇今惟見青陵臺

將進酒

君不見見黃河之水天上來奔流到海不復回又不見高堂明鏡悲白髮朝如青絲暮如雪人生得意須盡歡莫使金樽空對月天生我材必有用千金散盡還復來烹羊宰牛且為樂會須一飲三百杯岑夫子丹丘生進酒

君莫停與君歌一曲請君為我側耳聽鐘鼓饌玉不足
貴但願長醉不願醒古來聖賢皆寂寞惟有飲者留其
名陳王昔日宴平樂斗酒十千恣歡謔主人何為言少
錢徑須沽取對君酌五花馬千金裘呼兒將出換美酒
與爾同消萬古愁

擣衣篇

閨裏佳人年十餘
嚙蛾對影恨離居
忽逢江上春歸燕
銜得雲中尺素書
玉手開絨長歎息
狂夫猶戍交河北

萬里交河水北流願為雙燕況中洲君邊雲擁青絲騎
妾處苔生紅粉樓樓上春風日將歇誰能攬鏡看愁髮
曉吹篳管隨落花夜擣戎衣向明月明月高高刻漏長
珍珠簾箔掩蘭堂橫垂寶幄同心結半拂瓊筵蘇合香
瓊筵寶幄連枝錦燈燭熒熒照孤寢有便憑將金剪刀
為君留下相思枕摘盡庭蘭不見君紅巾拭淚生氤氳
明年若更征邊塞願作陽臺一段又作雲片

蜀道難

唐書據言云李白始自西蜀至京道未
抵以所業謁賀知章知章覽蜀道難一

篇曰子謫仙人也薦之於玄宗新唐書謂嚴武在蜀放肆房瑄為部內刺史武不為禮最厚杜甫每欲殺甫李白作蜀道難乃為房與杜危也洪駒父詩話云嘗見李集一本蜀道難題下注云諷韋仇兼瓊也蕭云諸說皆非也此詩乃太白初聞祿山亂華天子幸蜀而作也

噫吁嚱危乎高哉蜀道之難難於上青天蠶叢及魚鳧
開國何茫然爾來四萬八千歲不與秦塞通人煙西當
太白有鳥道可以橫絕峨眉巔地崩山摧壯士死然後
天梯石棧相勾連上有六龍回日之高標下有衝波逆
折之回川黃鶴之飛尚不能過猿猱欲度愁攀援青泥

何盤盤十步九折縈巖巒捫參歷井仰脇息以手撫膺
坐長歎問君西遊何時還畏途巖巖不可攀但見悲鳥
號古木雄飛呼雌繞林間又聞子規啼夜月愁空山蜀
道之難難於上青天使人聽此凋朱顏連峰去天不盈
尺枯松倒挂倚絕壁飛湍瀑流爭喧豗砅崖轉石萬壑
雷其險也如此嗟爾遠道之人胡為乎來哉劍閣崢嶸
而崔嵬一夫當關萬夫莫開所守或匪親化為狼與豺
朝避猛虎夕避長蛇磨牙吮血殺人如麻錦城雖云樂

不如早還家蜀道之難難於上青天側身西望長咨嗟

殷璠云李白蜀道難等篇可謂奇而又奇劉云妙在起伏其才思放肆語次崛奇自不在言

梁甫吟

長嘯梁甫吟何時見陽春君不見朝歌屠叟辭棘津八
十西來釣渭濱寧羞白髮照清水逢時吐氣思經綸廣
張三千六百釣風期暗與文王親大賢虎變愚不測當
年頗似尋常人君不見高陽酒徒起草中長揖山東隆
準公入門不拜騁雄辯兩女輟洗來趨風東下齊城七

十二指揮楚漢如旋蓬狂客落魄尚如此何況壯士當
羣雄我欲攀龍見明主雷公砰訇震天鼓帝傍投壺多
玉女三時大笑開電光倏爍晦冥起風雨閭闔九門不
可通以額扣闕闈者怒白日不照吾精誠祀國無事憂
天傾楔猱磨牙競人肉駟虞不折生草莖手接飛猱搏
彫虎側足焦原未言苦知者可卷愚者豪世人見我輕
鴻毛力排南山三壯士齊相殺之費二桃吳楚弄兵無
劇孟亞夫咤爾為徒勞梁甫吟聲正悲張公兩龍劍神

物合有時風雲感會起屠釣大人岷岫當安之

白雲歌送劉十六歸山

楚山秦地皆白雲白雲處處長隨君長隨君君入楚山
裏雲亦隨君渡湘水湘水上女蘿衣白雲堪卧君早歸

懷仙歌

一鶴東飛過滄海放心散漫知何在仙人浩歌望我來
應攀玉樹長相待堯舜之事不足驚自餘囂囂真可輕
巨鰲莫載三山去我欲蓬萊頂上行

月下吟

金陵城西樓作

金陵夜寂涼風發獨上高樓望吳越
白雲映水搖空城
白露垂珠滴秋月月下沈吟久不歸
古來相接眼中稀
解道澄江淨如練令人長憶謝玄暉

灞陵行送別

送君灞陵亭灞水泂泂上有無花之古樹下有傷心之春草
我向秦人問路岐云是王粲南登之古道古道連綿走西京
紫闕落日浮雲生正當今夕斷腸處黃鸝

愁絕不忍聽

江上吟

木蘭之枻沙棠舟
玉簫金管坐兩頭
美酒樽中置千斛
載妓隨波任去留
仙人有待乘黃鶴
海客無心隨白鷗
屈平詞賦懸日月
楚王臺榭空山丘
興酣落筆搖五嶽
詩成笑傲凌滄洲
功名富貴若長在
漢水亦應西北流

蕭云此達者之詞也

玉壺吟

烈士擊玉壺壯心惜暮年
三杯拂劍舞秋月忽然高咏
涕泗漣鳳凰初下紫泥詔
謁帝稱觴登御筵揄揚九重
萬乘主謔浪赤墀青瑣賢
朝天數換飛龍馬勅賜珊瑚
白玉鞭世人不識東方朔
大隱金門是謫仙西施宜笑
復宜頰醜女效之徒累身
君王雖愛蛾眉好無奈宮中

妬殺人

蕭云此白自述其
知遇始末之詞也

侍從宜春苑奉詔賦龍池柳色初青聽新鶯百

轉歌

東風已綠瀛洲草紫殿紅樓覺春好池南柳色半青青
縈煙裊娜拂綺城垂絲百尺挂雕楹上有好鳥相和鳴
間關早得春風情春風卷入碧雲去千門萬戶皆春聲
是時君王在鎬京五雲垂輝耀紫青仗出金宮隨日轉
天回玉輦繞花行始向蓬萊看舞鶴還過菴石聽新鶯
新鶯飛繞上林苑願入簫韶雜鳳笙

妙而又易
見者也

范云此賦物詩格
調既高法度又謹

幽歌行上新平長史兄粲

幽谷稍稍振庭柯
涇水浩浩揚湍波
哀鴻酸嘶暮聲急
愁雲愴慘寒氣多
憶昨去家此為客
荷花初紅柳條碧
中宵出飲三日杯
明朝歸揖二千石
寧知沅寓變光輝
胡霜蕭颯繞客衣
寒灰寂寞憑誰煖
落葉飄揚何處歸
吾兄行樂窮曛旭
滿堂有美顏如玉
趙女長歌入綵雲
燕炬醉舞嬌紅燭
狐裘獸炭酌沅霞
壯士悲吟寧見嗟
前榮後枯相翻覆
何惜餘光及棣華

西嶽雲臺歌送丹丘子

西嶽崢嶸何壯哉，黃河如絲天際來。
黃河萬里觸山動，盤渦轂轉秦地雷。
榮光休氣紛五綵，千年一清聖人在。
巨靈咆哮擘兩山，洪波噴箭射東海。
三峰却立如欲摧，翠崖丹谷高掌開。
白帝金精運元氣，石作蓮花雲作臺。
雲臺閣道連窈冥，中有不死丹丘生。
明星玉女備灑掃，麻姑搔背指爪輕。
我皇手把天地戶，丹丘談天與天語。
九重出入生光輝，東來蓬萊復西歸。
玉漿儻或故人飲，騎二茅龍上天飛。

扶風豪士歌

蕭云此篇太白避亂東土時作言道路艱阻京國亂離而東土之太

平自若也扶風乃三輔郡意豪士亦必同時避亂於東吳而與太白銜杯酒接殷勤之歡者

洛陽三月飛胡沙洛陽城中人怨嗟天津流水波赤血

白骨相撐如亂麻我亦東奔向吳國浮雲四塞道路賒

東方日出啼早鴉城門人開掃落花

劉云偶然一悟桐覽八句自佳

楊柳拂金井來醉扶風豪士家扶風豪士天下奇意氣

相傾山可移作人不倚將軍勢飲酒豈顧尚書期雕盤

綺食會衆客吳歌趙舞香風吹原嘗春陵六國時開心

寫意君所知堂中各有三千士明日報恩知是誰

劉云雖淺

淺切甚然而亦險激也

撫長劍一揚眉清水白石何離離脫吾帽

向君笑飲君酒為君吟張良未逐赤松去橋邊黃石知我心

廬山謠寄盧侍御虛舟

我本楚狂人

劉云為此桀態

鳳歌笑孔丘手持綠玉杖朝別黃

鶴樓五嶽尋仙不辭遠一生好入名山遊廬山秀出南

斗傍屏風九疊雲錦張影落明湖青黛光金闕前開二

峰長銀河倒挂三石梁香爐瀑布遙相望迴崖沓嶂凌
蒼蒼翠影紅霞映朝日鳥飛不到吳天長登高壯觀天
地間大江茫茫去不還黃雲萬里動風色白波九道流
雪山好為廬山謠興因廬山發閒窺石鏡清我心謝公
行處蒼苔沒早服還丹無世情琴心三疊道初成遙見
仙人綵雲裏手把芙蓉朝玉京先期汗漫九垓上願接
盧敖遊太清

襄陽歌

落日欲沒峴山西，劍着接羅花下迷。
襄陽小兒齊拍手，

攔街爭唱白銅鞮。

歐陽脩云此常語也

傍人借問笑何事，笑殺山

翁醉似泥。鬪鷓杓鷓鷯杯，百年三萬六千日，一日須傾

三百杯。遙看漢水鴨頭綠，恰似蒲桃初醱。此江若變

作春酒，壘麴便築糟丘臺。千金駿馬喚小妾，笑坐雕鞍

歌落梅。車傍側掛一壺酒，鳳笙龍管行相催。咸陽市上

歎黃犬，何如月下傾金壘。君不見晉朝羊公一片石，龜

頭剝落生莓苔。淚亦不能為之墮，心亦不能為之哀。清

風明月不用一錢買玉山自倒非人推

歐陽脩云然後見其機放其所

以驚服千古者詎不在北邪

舒州杓力士鏑李白與爾同死生裏王

雲雨今安在江水東流猿夜聲

酬殷明佐見贈五雲裘歌

我吟謝朓詩上語朔風颯颯吹飛雨謝朓已沒青山空
後來繼之有殷公粉圖珍裘五雲色暎如晴天散彩虹
文章彪炳光陸離應是素娥玉女之所為輕如松花落
金粉濃似苔錦含碧滋遠山積翠橫海島殘霞飛丹映

江草凝豪採掇花露容幾年功成奪天造故人贈我我
不違著令山水含清輝頓驚謝康樂詩興生我衣襟前
林壑歛暝色袖上雲霞收夕霏羣仙長歎驚此物千崖
萬領相縈鬱身騎白鹿行飄颻手翳紫芝笑披拂相如
不足跨鸕鷀王恭鶴氅安可方瑤臺雪花數千點片片
吹落春風香為君持此凌蒼蒼上朝三十六玉皇下窺
夫子不可及矯首相思空斷腸

梁園吟

我浮黃雲去京闕挂席欲進波連山天長水濶厭遠涉
訪古始及平臺間平臺為客憂思多對酒遂作梁園歌
却憶蓬池阮公詠因吟綠水揚洪波洪波浩蕩迷舊國
路遠西歸安可得人生達命豈暇愁且飲美酒登高樓
平頭奴子搖大扇五月不熱疑清秋玉盤楊梅為君設
吳鹽如花皎白雪持鹽把酒但飲之莫學夷齊事高潔
昔人豪貴信陵君今人耕種信陵墳荒城虛照碧山月
古木盡入蒼梧雲梁王宮闕今安在牧馬先歸不相待

舞影歌聲散綠池空餘汴水流東海沈吟此事淚滿衣
黃金買醉不能歸連呼五白行六博分曹賭酒酣馳輝
我歌且謠意方遠東山高卧時起來欲濟蒼生未應晚

夢遊天姥吟留別

海客談瀛洲煙濤微茫信難求越人語天姥雲霓明滅
或可覩

范云瀛洲難求而不必求天姥可觀而實未覩故欲因夢而觀之耳

天姥連天向

天橫勢拔五嶽掩赤城天台四萬八千丈對此欲倒東
南傾我欲因之夢吳越一夜飛度鏡湖月湖月照我影

送我至剡谿謝公宿處今尚在綠水蕩漾清猿啼脚着

謝公屐身登青雲梯半壁見海日空中聞天雞甚顯千巖

萬轉路不定迷花倚石忽已暝甚悔熊咆龍吟殷巖泉慄

深林兮驚層巔雲青青兮欲雨水澹澹兮生煙列缺霹

靂丘巒崩摧洞天石扇訇然中開青冥浩蕩不見底日

月照耀金銀臺又甚顯霓為衣兮風為馬雲之君兮紛紛

而來下虎鼓瑟兮鸞回車仙之人兮列如麻又甚悔忽魂

悸以魄動怳驚起而長嗟惟覺時之枕席失向來之煙

霞世間行樂亦如此古來萬事東流水別君去時何時
還且放白鹿青崖間須行即騎訪名山安能摧眉折腰

事權貴使我不能開心顏

范批云夢吳越以下夢之原也次諸節夢之波瀾也其間

顯而晦晦而顯至失向來之烟霞極而與人接矣非太白之胃次筆力亦不能發此枕席烟霞二句最有力量

語平行亦文勢之當如此也

鳴皋歌送岑徵君

時梁園三尺雪在清谷池作

若有人兮思鳴皋阻積雪兮心煩勞
洪河凌競不可以徑度水龍鱗兮難容舸
邈仙山之峻極兮聞天籟之嘈

嘈霜崖縞皓以合沓兮若長風扇海湧滄溟之波濤玄
猿綠羆蝮蝮崙岌危柯振石駭膽慄魄羣呼而相號峰
崢嶸以路絕挂星辰於巖竅送君之歸兮動鳴華之新
作交鼓吹兮彈絲觴清冷之池閣君不行兮何待若反
顧之黃鶴掃梁園之羣英振大雅於東洛巾征軒兮歷
阻折尋幽居兮越嶽嶸盤白石兮坐素月琴松風兮寂
萬壑望不見兮心氛氳蘿冥冥兮霞紛紛水橫洞以下
淥波小聲而上聞虎嘯谷而生風龍藏谿而吐雲寡鶴

清淚飢懸嘔呻魂獨處此幽默兮愀空山而愁人雞聚

族而爭食鳳孤飛而無鄰蝮涎嘲龍魚目混珍模母衣

錦西施負薪

歸來子云此諄諄效屈原卜居賈誼弔屈原語而白才自逸蕩故或離而去之云

若使巢由桎梏於軒冕兮亦奚異乎夔龍跛躄於風塵

哭何苦而救楚笑何誇而却秦吾誠不能學二子沽名

矯節以耀世兮固將棄天地而遺身白鷗兮飛來長與

君兮相親

范云此篇稍長而刻意易見要亦楚人之流也唯其有蝮涎魚目巢由夔龍等語故前輩

嘗稱之然此實非太白之用意處妙不在此也與遠別離篇皆佳而彼深矣

唐詩品彙卷二十六

欽定四庫全書

唐詩品彙二十七

明 高棟 編

七言古詩三

正宗二

李白 下

送羽林陶將軍

將軍出使擁樓船
江上旌旗拂紫煙
萬里橫戈探虎穴



三杯拔劍舞龍泉莫道詞人無膽氣臨行將贈繞朝鞭
送程劉二侍郎兼獨孤判官赴安西幕府

安西幕府多材雄喧喧唯道三數公繡衣貂裘明積雪
飛書走檄如飄風朝辭明主出紫宮銀鞍送別金城空
天外飛霜下葱海火旗雲馬生光彩胡塞清塵幾日歸
漢家草綠遙相待

與諸公送陳郎將歸衡陽

并序

仲尼旅人文王明夷苟非其時聖賢低眉况僕之

不肖者而遷逐枯槁固非其宜朝心不開暮髮盡
白而登高送遠使人增愁陳郎將義風凜然英思
逸發來下曹城之榻去邀才子之詩動清興於中
流泛素波而徑去諸公仰望不及連章祖之序慙
起予輒冠名賢之首作者嗤我乃為撫掌之資乎
衡山蒼蒼入紫冥下看南極老人星廻飈吹散五峰雪
徃徃飛花落洞庭氣清嶽秀有如此郎將一家拖金紫
門前食客亂浮雲世人皆比蓋嘗君江上送行無白壁

臨岐惆悵若為分

送祝八之江東賦得浣紗石

西施越谿女明艷光雲海未入吳王宮殿時浣紗古石
今猶在桃李新開映古查菖蒲猶短出平沙昔時紅粉
照流水今日青苔覆落花君去西秦適東越碧山青江
幾超忽若到天涯思故人浣紗石上窺明月

同王昌齡送族弟襄歸桂陽

爾家何在瀟湘川青沙白日長江邊昨夢江花照江國

幾枝正發東牕前覺來欲往心悠然夢隨越鳥飛南天
秦雲連山海相接桂水橫煙不可涉送君此去令人愁
風帆茫茫隔河洲春潭瓊草綠可折西寄長安明月樓

宣州謝朓樓餞別校書叔雲

棄我去者昨日之日不可留亂我心者今日之日多煩
憂長風萬里送秋鴈對此可以酣高樓蓬萊文章建安
骨中間小謝又清發俱懷逸興壯思飛欲上青天攬日
月抽刀斷水水更流舉杯消愁愁更愁人生在世不稱

意明朝散髮弄扁舟

劉云崔嵬送宥正在起
一句不稱意語欲絕

單父東樓秋夜送族弟沈之秦

爾從咸陽來問我何勞苦
沐猴而冠不足言身騎土牛
滯東魯沈弟欲行凝弟留
孤飛一鴈秦雲秋坐來黃葉
落四五北斗已挂西城樓
絲桐感人絲亦絕滿堂送君
皆惜別卷簾見月清興來
疑是山陰夜中雪明日斗酒
別惆悵清路塵遙望長安日
不見長安人長安宮闕九
天上此地曾經為近臣一朝
復一朝髮白心不改屈原

憔悴滯江潭，亭伯流離放。遼海折翩翩，飛隨轉蓬開。絃
虛墜下霜，空聖朝久棄青雲士。他日誰憐張長公。

蕭云
此篇

春顧宗國
之意深

魯郡堯詞送竇明府簿華還西京

時久病
初起作

朝策犁眉騶，舉鞭力不堪。強扶愁疾向何處，角巾微服
堯祠南。長楊掃地不見日，石門噴作金沙潭。笑誇故人
指絕境，山光水色青於藍。廟中往來擊鼓堯，本無心
爾何苦。門前長跪雙石人，有女如花日歌舞。銀鞍繡轂

往復回簸林蹶石鳴風雷遠煙空翠時明滅白鷗歷亂
長飛雪紅泥亭子赤闌干碧沅環轉青錦湍深沉百丈
洞海底那知不有蛟龍蟠君不見綠珠潭水流東海綠
珠紅粉沈光彩綠珠樓下花滿園今日曾無一枝在昨
夜秋聲閨闈來洞庭水落騷人哀遂得三五少年輩登
高遠望形神開生前一笑輕九鼎魏武何悲銅雀臺我
歌白雲倚牕牖爾聞其聲但揮手長風吹月度海來遙
勸仙人一杯酒酒中樂酣宵向分舉觴酬堯堯可聞何

不令畢繇擁篲橫八極直上青天揮浮雲高陽小飲真
瑣瑣山翁酩酊何如我竹林七子去道賒蘭亭雄筆何
足誇堯祠笑殺五湖水至今憔悴空荷花爾向西秦我
東越暫向瀛洲訪金闕藍田太白若可期為余掃灑石
上月

金陵酒肆留別

風吹一作白門柳花滿店香吳姬壓酒勸客嘗金陵子弟來
相送欲行不行各盡觴請君試問東流水別意與之誰

短長

黃山谷云至此乃真太白杪處當
潛心焉劉頊溪云終是太白語別

別山僧

何處名僧到水西
乘舟弄月宿涇谿
平明別我上山去
手攜金策踏雲梯
騰身轉覺三天近
舉足回看萬嶺低
謔浪肯居支遁下
風流還與遠公齊
此度別離何日見
相思一夜暝猿啼

南陵別兒童入京

一作古意

白酒新熟山中歸
黃雞啄黍秋正肥
呼童烹雞酌白酒

兒女嘻笑牽人衣高歌取醉欲自慰起舞落日爭光輝
遊說萬乘苦不早着鞭跨馬涉遠道會稽愚婦輕買臣
余亦辭家西入秦仰天大笑出門去我輩豈是蓬蒿人

劉云革草一語傾倒至盡起四句說得還山之衆磊落不辛苦而情實暢然不可勝道

早春寄王漢陽

聞道春還未相識起傍寒梅訪消息昨夜東風入武陽
陌頭楊柳黃金色碧水渺渺雲茫茫美人不來空斷腸
預拂青山一片石與君連日醉壺觴

寄王屋山人蓋大融

我昔東海上勞山餐紫霞親見安期公食棗大如瓜中
年謁漢主不愜還歸家朱顏謝春輝白髮見生涯所期
就金液飛步登雲車願隨夫子天壇上閒與仙人掃落
花

自漢陽病酒歸寄王明府

去歲左遷夜郎道琉璃硯水長枯槁今歲勃放巫山陽
蛟龍筆翰生輝光聖主還聽子虛賦相如却與論文章

願掃鸚鵡洲與君醉百觴笑起白雲飛七澤歌吟綠水
動三湘莫惜連船沽美酒千金一擲買春芳

寄韋南陵冰

余江上乘興訪之遇
尋願尚書笑有此贈

南船正東風北船來自緩江上相逢借問君語嘯未了
風吹斷聞君攜妓訪情人應為尚書不顧身堂上三千
珠履客甕中百斛金陵春恨我阻此樂淹留楚江濱月
色醉遠客山花開欲然春風狂殺人一日劇三年乘興
嫌大遲焚却子猷船夢見五柳枝已看挂馬鞭何日到

彭澤長歌陶令前

憶舊遊寄譙郡元參軍

金陵

憶昔洛陽董糟丘為余天津橋南造酒樓

劉云當時人當時語不知

太白援糟丘為重耶而使千載知其人如此

黃金白壁買歌笑一醉累月輕

王侯海內賢豪青雲客就中與君心莫逆迴山轉海不

作難傾情倒意無所惜我向淮南攀桂枝君留洛北愁

夢思不忍別還相隨相隨迢迢訪仙城三十六曲水迴

縈一谿初入千花明萬壑度盡松風聲

劉云清景逸人終不刻意銀

鞍金絡倒平地漢東太守來相迎紫陽之真人邀我吹
玉笙餐霞樓上動仙樂嘈然宛似鸞鳳鳴袖長管摧欲
輕舉漢中太守醉起舞手持錦袍覆我身我醉橫眠枕
其股

劉云起語如此
豈非人象

當筵意氣凌九霄星離雨散不終朝

分飛楚關山水遙余既還山尋故巢君亦歸家渡渭橋
君家巖君勇貌虎作尹并州過戎虜五月相呼度太行
摧輪不道羊腸苦行來北涼歲月深感君肯義輕黃金
瓊盃綺食青玉案使我醉飽無歸心時時出向城西曲

晉祠流水如碧玉浮舟弄水簫鼓鳴微波龍鱗莎草綠
興來攜妓恣經過其若楊花如雪何紅粧欲醉宜斜日

百尺清潭寫翠娥

劉云清麗動人

翠娥嬋娟初月輝美人更唱

舞羅衣清風吹歌入空去歌曲自繞行雲飛

劉云攜妓褻景寫入

天際宛轉情微

此時行樂難再遇西遊因獻長楊賦北闕青雲

不可期東山白首還歸去滑橋南頭一遇君鄴堂之北
又離羣問余別恨知多少落花春暮爭紛紛言亦不可
盡情亦不可極呼兒長跪緘此辭寄君千里遥相憶

劉云

却只如此結去請
起句便使人驚倒

贈裴十四

朝見裴叔則朗如行玉山
黃河落天走東海萬里寫入
胃懷間身騎白龜不敢渡
金高南山買君顧徘徊六合
無相知飄若浮雲且西去

贈潘侍御論錢少陽

繡衣柱史何昂藏
鍔冠白簡橫
秋霜三軍論事多
引納
堦前虎士羅干將
雖無二十五老者
且有一翁錢少陽

眉如松雪齊四皓調笑可以安儲皇君能禮此最下士
九州拭目瞻清光

流夜郎贈辛判官

昔在長安醉花柳五侯七貴同
盃酒氣岸遙凌豪士前
風流肯落他人後夫子紅顏我
少年章臺走馬看金鞭
文章獻納麒麟殿歌舞淹留玳瑁筵
與君自謂長如此
寧知草動風塵起函谷忽驚胡馬來
秦宮桃李向明開
我愁遠謫夜郎去何日金雞放赦回

醉後贈從甥高鎮

馬上相逢揖馬鞭，客中相見客中憐。
欲邀擊筑悲歌飲，正值傾家無酒錢。
江東風光不借人，枉殺落花空自春。
黃金逐手快意盡，昨日破產今朝貧。
丈夫何事空笑傲，不如燒却頭上巾。
君為進士不得進，我被秋霜生旅鬢。
時清不及英豪人，三尺童兒重廉蔭。
匣中盤劍裝鰈魚，閒在腰間未用渠。
且將換酒與君醉，醉醉歸託宿吳專諸。

贈從弟南平太守之遙

少年不得意落魄無安居願隨任公子欲釣吞舟魚常
時飲酒逐風景壯心遂與功名踈蘭生谷底人不鋤雲
在高山空卷舒漢家天子馳駟馬赤車蜀道迎相如天
門九重謁聖人龍顏一解四海春彤庭左右呼萬歲拜
賀明主收沈淪翰林秉筆回英盼麟閣崢嶸誰可見承
恩初入銀臺門著書獨在金鑾殿龍駒雕鏗白玉鞍象
牀綺席黃金盤當時笑我微賤者却來請謁為交歡一
朝謝病遊江海疇昔相知幾人在前門長揖後門闕今

日結交明日改愛君山嶽心不移隨君雲霧迷所為夢
得池塘生春草使我長價登樓詩別後遙傳臨海作可
見羊何共和之

江夏贈韋南陵冰

胡驕馬驚沙塵起胡雛飲馬天津水君為張掖近酒泉
我竄三巴九千里天地再新法今寬夜郎遷客帶霜寒
西憶故人不可見東風吹夢到長安寧期此地忽相遇
驚喜茫如墮煙霧玉簫金管喧四筵苦心不得申長句

昨日繡衣傾綠樽病如桃李竟何言昔騎天子大宛馬
今乘欵段諸侯門賴遇南平豁方寸復兼夫子持清論
有似山開萬里雲四望青天解人悶人悶還心悶苦辛
長苦辛愁來飲酒二千石寒灰重暖生陽春山翁醉後
能騎馬別是風流賢主人頭陀雲月多僧氣山水何曾
稱人意不然鳴笳按鼓戲滄流呼取江南女兒歌擢謳
我且為君槌碎黃鸝樓君亦為吾倒却鸚鵡州赤壁爭
雄如夢裏且須歌舞寬離憂

醉後答丁十八以詩譏余槌碎黃鶴樓

黃鶴高樓已槌碎黃鶴仙人無所依黃鶴上天訴玉帝
却放黃鶴江南歸神明太守再雕飾新圖粉壁還芳菲
一州笑我為狂客少年往往來相譏君平簾下誰家子
云是遼東丁令威作詩調我驚逸興白雲遶筆牕前飛
待取明朝酒醒罷與君爛熳尋春輝

早秋單父南樓酬竇公衡

白露見日滅紅顏隨霜凋別君若俯仰春芳亂秋條春

山嵯峨夏雲在疑是白波漲東海散為飛雨川上來遙
帷却卷清浮埃知君獨坐青軒下此時結念同所懷我
閉南樓看道書幽簾清寂在仙居曾無好事來相訪賴
爾高文一起予

答杜秀才五松見贈

昔獻長楊賦天開雲雨歡當時待詔承明裏皆道揚雄
才可觀勅賜飛龍二天馬黃金絡頭白玉鞍浮雲蔽日
去不返總為秋風摧紫蘭角巾東出高山道採秀行歌

詠芝草路逢園綺嘯向人兩君解來一何好聞道金陵
龍虎盤還同謝朓望長安千峰夾水向秋浦五松名山
當夏寒銅井炎鑪歎九天赫如鑄鼎荆山前陶公矍鑠
呵赤電回祿睚盱揚紫煙此中豈是久留處便欲燒丹
從列仙愛聽松風且高卧颼颼吹盡炎氛過登崖獨立
望九州陽春欲泰誰相和聞君往年遊錦城章仇尚書
倒屣迎飛牋絡繹奏明主天書降問迴恩榮骯髒不能
就珪組至今空揚高蹈名夫子工文絕世竒五松新作

天下推吾非謝尚邀彥伯異代風流各一時一時相逢
樂在今拂袖白雲開素琴彈為三峽流泉音從茲一別
武陵去去後桃花春水深

夜泊黃山聞殷十四吳吟

昨夜誰為吳會吟風生萬壑振空林龍驚不敢水中卧
猿嘯時聞巖下音我宿黃山碧谿月聽之欲罷松間琴
朝來果是滄洲逸酤酒醒盤飯霜粟半酣更發江海聲
客愁頓向杯中失

攜妓登梁王樓霞山孟氏桃園中

碧草已滿地柳與梅爭春謝公自有東山妓金屏慵坐
如花人今日非昨日明日還復來白髮對綠酒強歌心
已推君不見梁王池上月昔照梁王樽酒中梁王已去
明月在黃鸝愁醉啼春風分明感激眼前事莫惜醉卧
桃園東

把酒問月

故人賈淳
今予問之

青天有月來幾時我今停杯一問之人攀明月不可得

月行却與人相隨皎如飛鏡臨丹闕綠煙滅盡清輝發
但見宵從海上來寧知曉向雲間沒白兔搗藥秋復春
嫦娥孤棲與誰鄰今人不見古時月今月曾經照古人
古人今人若流水共看明月皆如此惟願當歌對酒時
月光長照金樽裏

觀博平王志安少府山水粉圖

粉壁為空天丹青狀江海遊雲不知歸日見白鷗在博
平真人王志安沈吟至此願挂冠松谿石磴帶秋色愁

客思歸坐曉寒

同族弟金城尉叔卿燭照山水壁畫歌

高堂粉壁圖蓬瀛，燭前一見滄洲清。
洪波洶湧山崢嶸，皎若丹丘隔海望。
赤城光中乍喜嵐氣滅，謂逢山陰晴後雪。
迴谿碧流寂無喧，又如秦人月下窺花源。
了然不覺清心魂，祇將疊嶂鳴秋猿。
與君對此歡未歇，放歌行吟達明發。
却顧海客揚雲帆，便欲因之向溟渤。

當塗趙炎少府粉圖山水

峨眉高出西極天羅浮直與南溟連名公繹思揮彩筆
驅山走海置眼前滿堂空翠如可掃赤城霞氣蒼梧煙
洞庭瀟湘意渺綿三江七澤清洄沕驚濤洶湧向何處
孤舟一去迷歸年征帆不動亦不旋飄如隨風落天邊
心搖目斷興難盡幾時可到三山巔西峰崢嶸噴流泉
橫石蹙水波潺湲東厓合沓蔽輕霧深林雜樹空芊綿
此中冥昧失晝夜隱几寂聽無鳴蟬長松之下列羽客
對坐不語南昌仙南昌仙人趙夫子妙年歷落青雲士

訟庭無事羅衆賓香然如在丹青裏五色粉圖安足珍
真仙可以全吾身若待功成拂衣去武陵桃花笑殺人

思邊

去歲何時君別妾南園綠草飛蝴蝶今歲何時妾憶君
西山白雪暗秦雲玉關此去三千里欲寄音書那可聞

寄遠二首

美人在時花滿堂美人去後餘空牀牀中繡被卷不寢
至今三載聞餘香香亦竟不滅人亦竟不來相思黃葉

落白露濕青苔

憶昨東園桃李紅碧枝與君此時初別離金瓶落井無
消息令人行歎復坐思坐思行歎成楚越春風玉顏畏
銷歇碧腮紛紛下落花青樓寂寂空明月兩不見但相
思空流錦字表心素至今緘愁不忍窺

示金陵子

一作金陵子詞

金陵城東誰家子竊聽琴聲碧牕裏落花一片天上來
隨人直渡西江水楚歌吳語橋不成似能未能最有情

謝公正要東山枝
攜手林泉處處行

代寄情楚詞體

君不來兮徒蓄怨積思而孤吟雲陽一去已遠隔巫山
綠水之沈沈留餘香兮染繡被夜欲寢兮愁人心朝馳余
馬於青樓恍若空而夷猶浮雲深兮不得語却惆悵而
懷憂使青鳥兮銜書恨獨宿兮傷離居何無情而兩絕
夢雖往而交疏橫流涕而長嗟折芳洲之瑤華送飛鳥
以極目怨夕陽之西斜願為連根同死之秋草不作飛

空之落花

自梁水道哭王炎

王公希代寶棄世一何早弔死不及哀殯宮已秋草悲
來欲脫劍挂向何枝好哭向茅山雖未推一生淚盡丹

陽道

唐詩品彙卷二十七